

PARS SECUNDA

*Proponitur Praxis devote
audiendi Sacrum.*

Parca est subtus exspectantibus palma, si quam in se ascendentibus pollicetur, fructuum copiam consideres. Hinc sacra in canticis (a) sponsa, cum alias satis sibi fieri posse desperarer, *ascendam, inquit, in palmam,* & apprehendam fructus ejus. Porro non aliud per hanc palmam, quam salutare crucis lignum (b) atque adeo Missæ etiam Sacrificium intelligitur, quod cum illius victima reapse convenire jamjam perspeximus. Tunc vero in eam demum enitimus, densos fructus decerpturn, quando anima nostra ad radicem hujus arboris consideret, excellentias fructuum considerat, modumque ac rationem hosce fructus parti-

(a) *Cant. 8.*

(b) *Cornel. à Lapid. hic.*

participandi in praxin redigit. Nam licet horum fructuum aliqui sponte sua in finum nostrum illabantur, rari tamen sunt in comparatione eorum, qui per attentam cooperationem, & singularem devotionem colliguntur, sponsæ scilicet exemplo, dum dixit, *apprehendam &c.* Quo ergo proprius ad hanc praxin deferamur, id in primis presupponendum occurrit, Missæ Sacrificium, ni vacuum esse velis, non praesentiam duntaxat hominis, sed vel maxime factam ab eo una cum Sacerdote sui oblationem exigere. Quod factitandum non uno sacri Canonis loco Ecclesia commonet, cum eas Sacerdoti verborum formulas suggerat, quibus ille universæ concionis interpretem agere, communique omnium ore se Dominum deprecari demonstrat. Cum enim Sacrificia sint primum Religionis debitum, supremusque, quem Deo deferimus, cultus; æquum minime videbatur, quemquam eximi ab hoc tributo, si non per manus proprias, saltem per alienas præstando. Optima proinde Missæ Sacrificium auf-

auscultandi ratio fuerit, Sacerdoti se animo, virtutumque actibus, quantum res patitur, accommodare, eumque vel maxime in rectissima mentis intentione sequi, quam ille dum re divina fungitur, & sibi praefigere, & observare identidem debet. Porro Missam in quinque omnino partes commoda partitione dividimus, quarum prima Præparatio; Instructio, Oblatio, Communio, Gratiarum actio reliquæ nuncupentur. Quare his omnino passibus optimum fuerit Sacerdotem comitari, quo & devote & utiliter Divino huic interesse Sacrificio valeamus.

*Quid in Prima Sacrificii Parte, seu
Præparatione agendum?*

I dem scilicet agemus, quod Sacerdos, qui ut primum ad aram accessit, animo sese demittit: Deum noxium veniam rogat, Spiritus Sancti consilium fecutus, cum ait: *justus prior accusator est sui*: (a) cumque totius humani generis personam referat, etiam pro

(a) *Proverb.* 18.

pro omnium delictis Deum depreca-
tur. Et hæc pars prima est; atque
Præparatio dicitur. Tu quoque cum
Sacerdote hinc precum tuarum ducas
initium, animo ad compunctionem,
peccatorumque tuorum detestationem
composito. Quem in finem ea ora-
tio, quæ *confiteor* dicitur, inducta est,
quod si vero eam minus assequi va-
leas, aut servare non lubeat, sequen-
tem substituo, eliciendo cordis dolo-
ri peropportunam.

Actus Contritionis.

Quis unquam credidisset, vilissimum
terræ vermiculum eo audaciæ
processurum, ut Deum omnipotentem,
qualem te esse confiteor, Deus meus!
sperneret, derelinqueret? & tamen te
ego toties peccatis meis contempsi, &
quod plus est, ea remeritare ac impru-
dentia te contempsi, ac si tuis in me
oculis nunquam esses intentus, nec
reum momento quovis æternum plec-
tere potuisses. Ah! peccavi, fateor,
peccavi coram te, & in totius cælestis
Curiæ conspectu inique egi. Te ego
in

in Sanctorum omnium oculis offendit,
qui tibi tanta semper constantia & in-
concupiscentia fide servierunt. Coram sa-
craffissima Virgine Maria ego deliqui,
cujuſ divinissimum Filium rursum Cru-
ci affixi. Coram cælestis aulæ Principi-
bus Michaele Archangelo, Joanne Bap-
tista, Petro ac Paulo te offendit, qui
tamen, ut tuæ sanctissimæ voluntati
obtemperarem, tot mihi sanctissimis
exemplis præluxerunt. Agnosco igi-
tur me peccatis ijsque gravissimis ple-
num, quæ ego super omnia alia mala
detestor; & ideo detestor, quia sunt
contra te, tibique super omnia alia
bona amato displicent. Ah! quam
vellem ex animo, ea me nunquam
commisisse, nunquam me tibi tanta
injuria displicuisse. Jam vero, bone
Deus, cui nihil est impossibile, jam
brachii tui potentiam ostende: dele
iniquitates maximas, peccatorisque
hujus infelicis salutem effice. Da mihi
gratiam nunquam amplius te offen-
dendi, tantum te deinceps amandi,
quantum te omnibus retro temporibus
offendi: hanc mihi gratiam à te
impe-

impetrare velint ipsa in primis Virgo
sanctissima, omniumque Advocata Ma-
ria, & electi mei Patroni omnes, ut
eorum exempla secutus, deinceps in
præceptis tuis ambulem, & tuo cum
illis confortio æternum perfrui merear.
Amen.

*Quid in secunda Sacrificii Parte, quæ
instructio dicitur agendum?*

Post peractam hujusmodi confessio-
nem à gradu infimo aram pro-
pius accedit Sacerdos: & quæ hinc
ad Offertorium usque peraguntur,
Instructio dicitur; eo quod hic fidei
nostræ instruamur doctrina, quæ cum
in Prophetarum, & Apostolorum sen-
tentiis, tum in ipso Dei Filii Evan-
gelio continetur. Si igitur tibi Sa-
cerdotis verba percipere, & assequi
mente concessum est; satis amplum
eliciendis variis animi affectibus, per-
discendisque, ac ruminandis æterna-
rum veritatum dogmatibus campum
riactus es. Secus vero si accidat, uti-
lissime te impendes ponderandæ con-
siderationum alicui, quas in prima
Libelli

Libelli hujus parte super Missæ Sa-
crificii prærogativis sumus complexi.
In hunc enim finem per singulos heb-
domadæ dies singulas distribuimus.

*Quid in tertia Sacrificii Parte seu
Oblatione agendum?*

InSTRUCTIONEM continuo sequitur Ob-
lationio; atque hæc Fidelium Missa
dicebatur, quod Cathecumenis dimis-
sis, ij duntaxat interessent. Hæc ini-
tium dicit à panis, vinique oblatio-
ne, & ipsa eorum consecratione, in
qua divini Sacrificii essentia consistit,
terminatur. Ab hoc igitur temporis
puncto, Offertorio scilicet ad ea usque
verba, *Agamus Dei*, ubi Sacerdos su-
mendis sacris sp̄ciebus magis se ma-
gisque disponit, eundem sequi po-
teris, & Sacrificium hoc ad eos, quos
supra diximus, a Christo intentos,
quosque & Ecclesia quadruplici, quæ
à Sacerdore distinctius fieri soler, Ob-
latione denotat, fines itidem offerre.
Nam ad ea verba, *Suscipe sancte Pater*,
&c. illud specialiter offert pro pecca-
torum remissione; ad illa vero: *Sus-
cipe*

cipe sancta Trinitas, &c. in gratiarum actionem pro beneficiis; cum dicit: *Te igitur Clementissime Pater, &c.* pro bonis quibuscumque impetrandi: ac denique cum paulo ante consecrationem dicit: *Hanc igitur oblationem, in summum Dei honorem, ac cultum tanquam holocaustum.* Atque hujusmodi incensis animi affectibus, virtutumque exercitio, usque dum ad orationis Dominicæ: *Pater noster &c.* recitationem deveniat, Sacerdos immoratur. Cujus proinde & ipse tenebis vestigia eo fere (citra anxiatem animi, & pietatis perturbacionem) quem subnectimus, modo. Quod si elevatione Hostiæ aut Calicis interpellari orationem contingat, id neutriquam pietatis sensum imminuet; quin excitabit magis, & accendet.

*Oblatio Missæ tanquam Sacrificii
Propitiatorii pro peccatis.*

Qua tandem fronte, Magne Deus! tuum ego subire conspectum præsumerem, nisi tuam deprecaturus clementiam accederem? En me igitur ante

ante tuos prostratum pedes peccato-
rum meorum pondere depresso :
en confitentem reum, aeternæ Judex,
quia iniquitates meæ multiplicatæ sunt
supra numerum, ad quas supportan-
das non nisi infinita patientia sufficit :
sed modicam, Domine, adhuc patien-
tiam habe in me; & modum, quo om-
nia reddam tibi, me deum adinvenisse
existimo; Filius enim tuus unigeni-
tus suorum mihi meritorum thesauros,
sanguinis sui pretium offert, quo meis
me exsolvam debitibus: quasi mortem in
hac denuo ara paratus est oppetere,
ut ego per ipsum vivam. Hanc igi-
tur necis victimam, haec merita divi-
næ Justitiae pro totius mundi, meis
que, quibus vel maxime premor, pec-
catis offero. Pœnitet me ex toto cor-
de: de iis doleo, eaque detestor:
odi; quia scilicet tu illa odisti, & in-
finitum aversaris. Utinam, O me fœ-
disfragum! utinam tibi semper fidelis
exitissem! te semper amassem! tuis
semper obtemperasse mandatis! ve-
rum quandoquidem ab iis tam tur-
piter defeci; quandoquidem tantam
tibi

tibi injuriam irrogavi, quanta fuit,
sordidam perversamque meam rectissimæ
divinæque tuæ voluntati antetulisse:
aspice æterne Pater, ut pro
me tibi honorem reddat Redemptor
meus, qui tam perfecte tibi obedi-
vit, & nunc denuo tui amore obedit
voci Sacerdotis, ut seipsum immolet
in satisfactionem pro injuriis, quas
divinæ Majestati tuæ nos creaturæ vi-
lissimæ intulimus.

Hac ego oblatione confusus non
modo delictorum veniam, sed & effi-
cacia spero, petoque auxilia, ne am-
plius tam bonum, benignumque Do-
minum offendam, qui cum ipse sit
Iæsus, ipse sit, qui ad iracundiam à
me provocatus, tamen ex Filii sui
visceribus pretium eruit, quo ei satis-
faciam. Tuam gratiam pro cæteris
quoque peccatoribus omnibus peto
suppliciter, ut & ipsi tandem aliquan-
do agnoscan, quam malum, & ama-
rum sit, te dereliquisse fontem aquæ
vivæ, & victi amore tuo ad te revertan-
tur, nunquam amplius recessuri. Amen.

Oblatio

*Oblatio Missæ tanquam Hostiæ Paci-
ficæ pro Gratiarum actione.*

O Deus, ac Dominus meus, bonorum omnium fons inexhaustus & indeficiens! quis unquam valeat *comprehendere*, quæ sit tuæ in nos beneficiæ latitudo, & longitudo, & sublimitas, & profundum. (a) Si enim nec minimum beneficiorum tuorum digne possumus æstimare; quomodo gratiarum omnium cumulum, quibus nos undique obruis, pro merito extollemus; Sed gaudeo ex animo, quod cæteris donis tuis aliud insuper addideris longe maximum, hostiam videlicet pacificam, qua tibi pro munerum tuorum dignitate & numero gratias referremus. Nimis igitur erga tantam liberalitatem ingratus essem, si hujus Sacrificii oblationem neglicerem. Proinde en tibi, Pater misericordiarum, & Deus totius consolationis, en tibi Redemptoris mei merita universa, & divinissimi ejus sanguinis pretium omne, quæ per manum Sa-

cerdo-

(a) *Ephes.* 3. 18.

cerdotis offero in gratiarum actionem
ac compensationem pro beneficiis om-
nibus jam collatis, ac tota æternitate
conferendis.

Præsertim vero tibi gratias ago
pro immensis thesauris ac divitiis in
Sacratissima Christi humanitate repo-
sitis, proque eodem nobis in Redemp-
torem, Magistrum, Exemplum, &
advocatum concessio.

Gratias quoque ago pro innume-
rabilibus donis Sacratissimæ Virgini
Mariæ communicatis; pro eo, quod
eam Filii tui, nostramque omnium
Matrem constitueris: gratias pro gra-
tiis universis, quas Angelis, & Electis
omnibus, ac præsertim Angelo tute-
lari, Patronisque meis concessisti: gra-
tias tibi etiam ago pro beneficiis om-
nibus in reprobos effusis, iis maxime,
quæ, ut pro iis tibi grati essent, illi
agnoverunt nunquam, aut modo non
agnoscunt.

Denique gratias ago pro immensa

tua erga me bonitate, qua tuam in
me creando potentiam, in conservan-
do, defendendo, vocandoque ad fidem
providentiam, & tantam in me ad pœ-
nitentiam post lapsum exspectando pa-
cientiam demonstrasti. Gratias ago,
quod me in Sacramentis justificare, tot
gratiæ auxiliis in viam salutis a ter-
næ deducere, omniaque hæc tanta be-
neficia, aliqua longe maxima tua scilicet
in creaturam vilissimam propen-
sione ac amore quodammodo sigillare
dignatus sis. Pro his igitur alisque
innumeris, quas ego nec agnoscerem
nec aestimare valeo, gratiis sacrificium
hoc divinissimum accipe, æterne Deus,
in eoque plenam pro insufficientia
omniæ meæ ingratitudine satisfactio-
niem ac compensationem, quæ tibi in
momenta singula, omnemque æterni-
tatem debetur, ratam acceptamque
habeas. Etenim ab æterno in æternum
misericordia tua. Amen.

*Oblatio Missæ tanquam Sacrificii
Imperatorii*

Si necessitatum mearum nullus est
numerus; nec tuæ, Pater miseri-

cordiarum, bonitatis ullus est terminus. Vere enim misericordiarum es dives, ut qui nobis filium tuum unigenitum in amoris pignus reliqueris, eumque pro cuiusvis gratiae impetracione in Sacrificio mediatorem constitueris. Atque hic est ille Dominus meus Jesus Christus, quem tibi jam sisto, tibi pro bonis omnibus obtinendis repræsento. Reminiscere, Pater cœlestis, ne cum Filii tui dolores ac mortem pro meritis fuisse compensaram; ac proinde immensum etiamnum superesse, quod ex ejus thesauris in me, ut ut indignissimum, possis effundere. Fac igitur, ut superabundare videantur fructus amarissimæ passionis ejus, quam tibi per Sacerdotis manus denuo offero pro mea, totiusque mundi salute: quomodo negare amplius poteris, quod alias pridem concessisti? cum Filium tuum dedisti, jam omnia cum illo nobis donasti. Quod si hoc non sufficeret, ut a te audiamur, is ipse, ut precibus nostris annueres, jam olim instituit, instatque etiamnum hoc super altare.

rare immolatus. Quare si meas, etiam illius preces exaudis, & cum tuam mihi misericordiam exhibes, erga ipsum exerces justitiam. Atque hac ego fidei veritatem confisus, Pater coelestis, meas tibi, totiusque humani generis indigentias detego, privatas juxta ac publicas, tam corporis quam animi necessitates omnes expono, rotisque præcordiorum affectu rogo, ut iis opem ac medelam afferre digneris. Miserere, Domine, tot infidelium ac haereticorum, tot in peccato mortali degentium, justorumque tam repide tibi servientium. Da innocentibus lumen, quo hanc suæ felicitatis dignitatem agnoscant, & tueantur: da cum tentatione luctantibus robur, quo viriliter hostium insultibus obstent: da à lapsu surgentibus firmitatem, quæ damnata veteris vitæ consuetudine in bono persistant: omnibus denique tibi servientibus charitatis ardorem concede, quo majori nominis tui gloriae intenti, te impensius semper amare pergent. Memento etiam omnium pauperum, ægre decumbentium, om-

nium cum morte, & pro felici æternitate luctantium, captivorum quoque, & omnium in quacunque necessitate gementium, quos, rogo, tuo erigere velis auxilio, & solatio delinire: quos omnes tanquam proximos meos, omnipotenti virtute ad imaginem tuam creatos, torque doloribus ac pretioso sanguine Filii tui reparatos diligo, atque intimo cordis affectu complector. Ecclesiam tuam, Domine, sanctificare digneris: Filii tui in terris Vicarium Spiritus sancti afflatu gubernas; Episcopos, ac Sacerdotes dirige: conserva inter christianos Principes pacem: benefac omnibus nos odio habentibus: tuere fidelium omnium gregem: & tuæ pietatis clementiam in animas quoque piacularibus flammis derentas effunde: super omnia autem miserere animæ meæ pauperculæ, quam tibi ceu meo, & Domini mei Jesu Christi, Patri manus consigno: aufer ab ea, quidquid tibi displiceret. Da mihi fidei, spei, charitatisque augmentum, & ut te, meque ipsum noverim, concede. Ex*mittit*

cita

cita in corde meo magnum veræ con-
tritionis affectum; nequæ unquam per-
mittas, ut te amplius ullo peccato of-
fendam; sed potius gratia tua efficias,
ut semper in præceptis tuis ambulem,
& ad te denique tota æternitate aman-
dum, fruendumque pertingam. Amen.

Hac triplici oblatione facile tem-
pus illud insumptum iri existimo,
quod ab offertorio ad hostiæ & ca-
licis elevationem intercedit: quare
pro hac quoque geminas precatiun-
culas subnectimus, ad quartam subin
oblationis tanquam holocausti speciem
processuri, quæ summam æterni Nu-
minis gloriam sibi habet præfixam.

Ad Elevationem Hostiæ.

Oratio.

A ve Hostia sacrosancta, Tu es Fi-
lius Dei vivi, sub hoc panis velal-
mine absconditus. Adoro te proinde
cum omnibus te adorantibus, & una
omnium te non agnoscantium loco
adoro

adoro. Esto mihi propitius in hora mortis, & hanc per infinita merita tua gratiam concede, ut te aliquando revelata facie videre, & contemplari æternum possim in cœlo. Amen.

Ad Elevationem Calicis.

A ve sanguis divinissime, Redemp-
tionis nostræ pretium, vulnerum
nostrorum pharmacum, & animarum
thesaure. Adoro te toto cordis affectu,
illique ipsi pro mea & totius mundi
salute offero, e cujus vulneribus tan-
to amoris excessu pro nobis profluxisti.
Domine Jesu tuis famulis subveni, quos
preciolo sanguine redemisti. Amen.

*Oblatio Missæ tanquam Holocausti pro
summa Divinæ Majestatis Gloria.*

O Deus unus, ac Trinus, Dominus
incomprehensibilis magnitudinis,
sanctus, sanctus, sanctus, & infinito
honore dignissimus! nimium egena,
depressaque est humana conditio, quam
ut honorem tibi debitum valeat exhibere.
Sed millies sit Dominus meus
Jesus

Jesūs benedictus, qui se nobis in
Missæ Sacrificio victimam reliquit,
qua tibi par Majestati tuæ obsequium,
teque omni ex parte dignissimum cul-
tum deferre possimus. Huic igitur
Redemptori meo me conjungo, Pa-
ter cœlestis, teque cum meo, tuū
creaturarum omnium nomine totis ani-
mæ viribus adoro: & licet creature-
rum ego minima, & vilissima sim,
hoc tamen corporis & sanguinis Jesu
Christi Sacrificium cum infinitis ejus
meritis, humiliationibus, patientia,
cæterisque divinis ejus virtutibus of-
fero in contestationem supremi do-
minii, quod tibi in nos ceu primo
rerum omnium principio, ac fini ul-
timo debetur. Velle te ab omnium
gentium populis adorari: velle, ti-
bi omnes perfecte obtemperarent;
omnes, se tibi subesse, in omnibus a
te pendere agnoscerent, & gloria-
rentur. Verum cum id fieri nequeat,
divinissimum, quod tibi jam offero,
Sacrificium meas & mortalium om-
nium negligentias suppleat. Hoc com-
penset omnes irreverentias, blasphe-
mias

mias atque contemptus, quibus sanctissimum nomen tuum non solum in terra, sed in toto inferno proscinditur. Et haec demum victima, hoc holocaustum eam Domino meo Iesu Christo gloriam reddat, qua, ut ad mortem crucis obediens fieret, & sub hoc Eucharistiae velamine ad finem mundi usque latitaret, se ultro abdicavit. Amen.

*Quid in Quarta Sacrificii Parte seu
Communione agendum?*

Ad illa verba, *Agamus Dei*, proprius se disponere incipit sacerdos ad Sacram Communionem, majorique proinde (ut res postulat) spiritus fervore incalescit. Et hic ejus tibi legenda sunt vestigia, si quidem ex sacrificio uberiora gratiarum fluenta in te velis derivare. Porro cum sumendi semper Dominicij Corporis potestas non detur, resarcire alia via (spirituali scilicet communione) hujus defectum poteris. Hæc communio spiritualis, tam utilis animæ, consistit,

sistit, ut ex sacrosancta Tridentina Synodo colligitur, (a) in ferventi exercitio illarum virtutum, quibus sine reali susceptione Sacramenti percipiuntur fructus Sacramenti, hoc est, unio cum Christo, velut amplectendo illum ferventibus desideriis, & obtinendo bona illa, quae afferre solet animæ, quando realiter præsens illum visitat.

Eiusmodi autem virtutum actus præcipue sunt actus fidei, humilitatis, spei, charitatis; qui etiam, cum reapse ad Deum Eucharisticum accedis, exornando animæ domicilio, ut digne in sponsum accipiat, quadrant quam optime. Quo vero rei tantopere salutaris expeditior usus evadat, pectusque novis semper, novisque flammis inardescat, perbrevem, eamque in dies singulos hebdomadæ accommodatam praxin subjicimus. Ut enim diversa est in anima divinioris epuli virtus, ita Christum alia, aliaque induitum persona (id quod ex suprem orationis Dominicæ petitionibus haud obsecu-

(a) *Sess.* 13. c. 8.

obscure eruitur) & concipere, & aliqui licet.

Prima petitio ceu sanctitatis omnis authorem exhibit. Secunda Regis in eo dignitatem; Tertia sponsi amorem proponit. Quarta Pastoris Divini solicitudinem; Quinta vero judicis demonstrat clementiam. Ex Sexta tandem, & Septima cum Redemptoris benignitas, tum Medici pietas elucescit.

Communio Spiritualis.

PRO DIE SOLIS.

Adspiratio ad Jesum omnis Sanctitatis Authorem.

O Deus infinitæ Sanctitatis, qui, ut Sanctitatem tuam nobis miseris creaturis communicares, olim te nobis in exemplum proposuisti, nunc vero etiam in cibum nobis concedis; quomodo tot sordibus, quot mea scaret inquinata anima, attollere ad te oculos audeat? mererer, fateor, ut perfectiones tuæ omnes, quas toties per-

perversæ vitæ meæ licentia irritavi,
jam tandem in me armatæ consurge-
rent. At quam facile tibi, qui ipsa
bonitas es, accider, malitiæ meæ cas-
trum expugnare, efficereque; ut tam
prope in posterum tua sequar vestigia,
quam haetenus a te procul aberrasse
convincor. Neque in hanc rem aliud
opus est, dulcissime Jesu! quam ut vel
unico me oculorum tuorum obtutu
digneris. Tantillumne igitur negabis
supplici, cum interim in ara ultimam
divinissimi sanguinis stillam offerre
pro ingrato non dubites? Ah! veni,
dilecte animæ meæ, & hoc miserum
cor, si minus corporis tui præsen-
tia, certe virtutibus & gratiæ tuæ
donis invise: ipse, quæ mihi sugge-
ris, desideria comple, ipse exaudi.
Reminisce Domine, te non aliam ob-
causam te nobis in sacrificium obtu-
lisse, quam ut eo tuam in humanum
genus sanctitatem transfunderes. Am-
plius ergo lava animam meam, &
super nivem dealba, ut, quod mun-
dis corde pollicitus es, videre te in
sæcula merear. Amen.

Com-

Communio Spiritualis.

PRO DIE LUNÆ.

Aspiratio ad Jesum tanquam Regem.

O Rex animæ meæ! qui eo demissione excessu, quo Passionis tuæ tempore pro joculari etiam rege derideri voluisti, minime contentus, jam nunc Majestatem tuam ad panis usque vilitatem depressisti; indignus sum, fateor, & omni ex parte indignissimus, qui te toties in cor meum recipiam. Quid enim hic nisi vilissimum inculcissimi homuncionis rugurum subires, qui nulla tantum hospitem honoris significatione possit excipere? At patere saltem, Rex divinissime, te summum bonum meum suspirem, ad te Doctinum meum semper amabilem, semper benignum, in me semper profusum anhelem. Jube proinde, impera; & ad nutum tibi obtemperare semper ratum, fixumque est. In meis sis, in me gloriæ tuæ magnitudinem demonstra. Fac me æternum tibi incorrupta fide servire, ne unquam fœdi-

fœdifragus tuæ amplius refrager voluntati. *Domine mi, qui Rex noster es solus, adjuva me solitarium, & cuius præter te non est auxiliator aliis.* (a) Qui terræ molem tribus digitis immotam sustines; quam facile tibi acciderit, etiam animæ meæ inconstantiam in bono firmare. Cumque tibi cordium humanorum dominium soli reservaris, id tandem in meum potenter exerce, ne tuor amplius adverseretur imperio, sed angelorum te semper ambientium exemplo ad mortem usque nutui tuo obtemperare addiscat. Cœlestis aulæ Principes, mei, vestrique regis obsequiis modo intenti, ah! pro me intercedite: hæreat semper cordi meo insculpta divinæ legis memoria: adveniat regnum ipsius in me, ut cui fidam amando hic vobiscum serviero servitutem, eodem, cum hinc migravero, in vestro consortio æternum perfrui merear. Amen.

Com-

(a) *Esther, 14. 3.*

Communio Spiritualis.

PRO DIE MARTIS.

Aspiratio ad Jesum tanquam Sponsum.

O Deus puritatis amator, coram quo & cœli immundi sunt, itane vero tui ego meique oblitus frontem obduxerim, ut te, qui pasceris inter lilia, contaminato peccatorum sordibus animo accedere non erubescam? avertant superi, ut ego tantum nefas... quin erubesco, vereorque nimis, sponsæ animæ meæ, tuum subire conspectum: sed a longe tantum elevans oculos ex abyssῳ miseriarum mearum, ingemisco: si immundus ego sum, tu potes me mundare. Si anima mea datam tibi violavit fidem, tam perfecte eandem ad re convertere potes, ut te tantundem impostorum diligat, quantum haec tenus prodendo contempsit. Neque enim ejus crimina efficere poterunt, ut sponsam repudies, quæ acceptæ in baptismi lavacro gratiæ dotem male quidem dilapidavit, at nunquam, quæ eam

eam complectaris denuo, misericordiae tuæ immensam abyssum exhaust. Et ecce! apertam scaturiginem e divinissimo sacramento promanare conspicio, in qua sitis suæ ardorem cor meum deponere concupiscit. Eja igitur amabilissime Domine, dilecte votorum meorum, summum & unicum Bonum meum! Eja gratiarum tuarum thesauros protrahe, quos in egenum liberali manu diffundas: respice in me oculis misericordiae tuæ: ad cor meum loquere, & sonet vox tua in auribus meis. Quod maximum erat, pridem in cruce confectum est; jam reliquum perfice, & cœpro feliciter, productoque in hunc diem salutis meæ operi ultimam manum impone. Ecce enim ad te revertor, sponse divinissime, pœnitentiæ lacrymis superflusus, quibus ego præterita fractæ fidei defleo crimina: suscipe contritum, rescissumque meo scelere pacis fœdus innova, quod ribi denuo in fide & charitate despontata anima mea nunquam amplius rescindat. Amen.

Com.

Communio Spiritualis.

PRO DIE MERCURII.

Aspiratio ad Jesum tanquam Pastorem.

O Pastor animarum nostrarum, qui
solus es Pastor bonus, quia solus
es verus Deus! nonne pietatis im-
mensae excessus extitisset, si vel se-
mel e cœlesti illo viridiario ad requi-
rendas, quæ perierunt, oviculas su-
umque ad ovile reducendas in vastum
hoc mundi desertum concessisses? &
tamen in dies singulos torties te in fa-
crificio ad nos demittis; & quo sus-
ceptras pastoris parres quam exactis-
ime compleas, tuo etiam sacratissimo
corpo e famelicos nascere, potareque
divino cruento sipientes non dedigna-
ris. Quare tantam in nos charitatem,
qui solus digne id potest, amor tuus
extollat, eaque quæ semper nostris
commodis invigilat, providentia, de-
bitas tibi grates persolvat. O si &
ego, quo par pari redderem, infini-
tum erga te amorem possem concipe-
re! at sum licet creaturarum postrema,
hoc

hoc tamen amoris incendio cupio exar-
descere, ut in vitæ pascuis, quæ no-
bis Caro tua sacratissima in altari ape-
rit, merear collocari.

Quod si hoc mihi non concedatur,
saltē ne omni me exclusum velis re-
fectione: sed gratia tua famelicum
refice, ut ut Altaris Mysteria non ac-
cedentem. Tu solus es igitur, ama-
bilissime, dulcissime, ditissime Jesu
bonorum omnium scaturigo, tu so-
lus es, quem desiderat, quem affectat
cor meum. Ne jam te insequentem,
te anhelantem repellas, Pastor divi-
nissime! quem tam sollicite, tam ope-
rose inquisivisti, quem a te longe no-
veras discessisse. Bonus Pastor ponit
animam suam pro ovibus suis, quod
a te pridem factum in Cruce orbis
obstupuit. Fac me tandem sacrificiū
hujus participem: tu, ne errem, ne à
semita declinem, dirige, & deflecten-
tem in viam mandatorum tuorum re-
duc. Amorem tuum mihi dona, &
dives sum satis, nec aliud ultra posco,
quam ut eum æternum conservem. Am.

Communio Spiritualis.

PRO DIE JOVIS.

Aspiratio ad Jesum tanquam ad Judicem.

O tremenda Majestatis Dominus, qui quanto nos ob delicta nostra jure condemnas, tanta etiam pietatis tuæ clementia ab interitu vindicas; ubi me abscondam a vultu iræ tuæ, si pro justitiae rigore ad judicandum veneris? Lateas licet sub Eucharistici Panis velamine, iniquitatum tamen mearum seu pondus seu numerus te latere non potest. Quo me vertam igitur, ad quem contugiam, salutem quæsitus, nisi ad te Domine, qui solus omne delictum potes dimittere? Memento itaque, te necdum judicem agere, sed etiamnum mei apud Patrem Advocati partes sustinere. Eja igitur tuorum vulnerum cicatrices Patris conspectui exhibe; ad has enim appello, ad has provoco, quæ si meam causam egerint, ea nunquam cadendi certus sum. Non sis tu mihi formidini, spes mea tu in die afflictionis. (a, O Jesu mi, Redemptionis meæ

(a) *Jerem. 17. v. 17.*

meat pignus, cuius vel solum nomen
mihi salutis est tessera, esto mihi Je-
sus, & salva me; si tu enim pro me,
quis contra me? quantum ego te sus-
cipere, te in cor meum introducere
cuperem, ut merita tua me redderent
innocentem! Sed ad te accedere, ut
multorum scelerum conscius, refor-
mido: neque aliud jam superest, quam
ut eos in me misericordiae tuæ effectus
sentire cupiam, quos ipse in me præ-
sens effecisset. Veni benignissime Je-
su, veni, & tuæ me lucis ac amoris
plenitudine reple, ut omni extincto
reatu, qui in te sperat, in te confidit,
reus salutem consequatur. Amen.

Communio Spiritualis.

PRO DIE VENERIS.

Aspiratio ad Jesum tanquam Redemptorem.

O amabilissime Redemptor meus!
quanto charitatis excessu animam
meam complectaris, necesse est, cum,
ut illam redimeres, sanguinis tui ly-
trum in Cruce persolveris. Jam vero
quasi id minime sufficeret, mihi re-

rum iterumque immensum hoc pretium
offers in altari, quo & contracta apud
divinam justitiam expungam nomina,
& pro culparum reliquiis integre sa-
tisfaciam. Laudent te æternum, Re-
demptor mi dulcissime, tuæ ipsius in
nos miserationes, ut quæ solæ gratiis
tibi ex æquo referendis possint suffi-
cere. Sed num forte, dum ad visen-
dum me venis, denuo in manus pec-
catorum te tradere cogitas? Num de-
nuo, dum cor meum subis, in fœti-
do sepulchro reponi te patieris? ah!
bone Jesu! nequaquam id æquum fue-
rit, ut toties ad hominem peccatorem
divertas. Id mihi sufficiat modo, ut
virtutis tuæ potentia ad me invisas, &
ea tandem vitiorum vincula dissolvas,
quibus undique irretitus tuis hostibus
mancipor. Veni igitur Redemptor
animæ meæ, veni; invito te suspiriis
animæ meæ, amplector desideriis, &
ad pedes tuos ceu ad aram refugii
prostratus, supplex re rogo, id demum
efficere velis, ut tu semper in me vi-
vas, & ego in te. Nosti, Domine,
quid me ab intimo charitatis tuæ

com-

complexu retrahat; gloria tua erit hunc
obicem auferre, quo plenius te servi-
torem meum demonstres. Recorda-
re, obsecro, me laborum tuorum
fructum, atque adeo ex duplice crea-
tionis scilicet & redemptionis titulo
tuum esse. Ut tuum ergo misericor-
diae tuæ oculis respicere, ut tuum po-
tentri dextera tueri debes. Ego vero
ad te Deum meum, ut omne & uni-
cum bonum meum amandum, tibi
que perpetuo serviendum infinities me
obstrictum confitebor. Amen.

Communio Spiritualis.

PRO DIE SABBATHI.

Aspiratio ad Jesum tanquam Medicum.

O Jesu mi, hujus peccatricis animæ
via, veritas, & vita! qui fieri
possit, ut postquam medicus meus ef-
fectus es, continuis ramen affligas lan-
guoribus? tot jam anni fluxere, ex
quibus jacentem in miseriarum mea-
rum stragulo invisis, totiesque & Cor-
poris tui divinissimi pharmacum, &
haustam

haustam ex lateris vulnera potionem
porrigis, quin unquam expusa mor-
borum caterva integra redeat valetudo.
Ah! quam inveteratum malum sit,
oportet, quod sumptis ex arbitrii mei
malignitare viribus divini etiam archia-
tri manum frustretur, & ludat. At
infinita est gratiae tuæ vis, quæ quan-
tumcunque graves altumque radicatos
morbos levi exturbare negotio, pelle-
re que momento temporis queat. At-
que hinc in te firmatam spem meam
dimoveri non patiar. Veni igitur di-
vinissime Medice, veni, sana me, &
sanus ero: salva me, & salvus ero: cum-
que corporis & sanguinis tui medica-
mina jam sumere indignus sim, tan-
cum dic verbo, & sanabitur anima. Dic
animæ meæ: salus tua ego sum. Atque
hoc demum verbo opus est, ut omni
infirmitatum mearum absterfo languore,
malisque omnibus uno eodemque
temporis punto resurgam liber. Hoc
petere, hoc sperare fas est abs tanti
Domini munificentia tanta, cui, ut ut
immensa in mortales effundat, nihil
unquam possit decedere. Qui omnes

ad

ad te venire, necessaria a te petere, a
te emere absque argento jussisti, scio,
hoc manuum tuarum opus non despici-
cies, hanc pauperculam creaturam ad
te anhelantem non repelles, sed tibi
supplicem votorum damnabis. Hæc
inter tantos languores sit consolatio
mea, hæc salutis, hæc vitæ meæ spes,
qua non confundar in æternum. Amen.

*Quid in postrema Sacrificii parte, seu gra-
tiarum actione agendum?*

Enormem rutilitatis excessum fore
existimem, si lauto adeo, cælesti-
que convivio, cuiusmodi Eucharistia
est, exceptus sacerdos nulla benefac-
tori suo redditum gratiarum actione
continuo discessum pararet. Igitur a
Sacramentorum sumtione cum ipse,
tum ejus ore Ecclesia pro tanti bene-
ficii magnitudine grates benigno Nu-
mini referunt, gratiarumque actioni
juxta Apostoli consilium, novi favoris
petitionem conjungunt: *in omni ora-
zione, inquit ille, cum gratiarum actione
petitiones vestrae innotescant apud Deum.* Id
ipsum autem & tibi observandum venit
eo fere, qui sequitur, modo.

ORA.

ORATIO

Pro Gratiarum actione.

Domine Jesu Christe, spes, & thesaurus meus, bonorum meorum omnium largitor, quanta me beatum sorte existimassem, si cum viva fide morienti adstare, cruentum illud Calvariæ sacrificium spectare, excipere que in animam licuisset pretiosissimi tui sanguinis rorem, cuius vel unica stilla mundis mille redimendis abunde sufficeret? At vero nequaquam impar felicitas censenda est, quod in Missa divinis mysteriis, ubi inaudito amoris poruento passionis tuæ scenam restauras, concessum sit interesse. Verum eo turpius maxima mea excedit ingratitudo, quo amplioribus me beneficiis obstringis. Ipsa sacrorum multitudo, eaque audiendi facilitas non tam charitatem tuam, ut par fuisset, commendare nobis, quam obviam vulgaremque reddidisse visa est. Ita quidem meus me in transversum error abriput, cuius me nunquam satis pudeat, nunquam pœniteat satis. Sed meliora, bone

bone Jesu, meliora, jam deinceps propono, tibique jam nunc eas gratiarum actiones refero, quas referre hactenus neglexi. Vellem in sacrificiis omnibus, quae toto unquam terrarum orbe oblata fuerunt, ea submissione, pietateque adstirisse, qua eis Angelici Spiritus ad majus tuum obsequium adstiterunt. Tu vita, luxque animæ meæ, tu, qui totus es amor, totus pietas, meas obsecro vices, negligenterias meas suppone: obliviscere præteriorum temporum injurias, irreverenterias, defectus meos omnes: miserationibus miserationes accumula, & eos in me gratiarum thesauros effunde, quos concedi nobis tuo nomine per Sacerdotem rogat Ecclesia, ut te in spiritu & veritate adorans in terris, pervenire merear ad te fruendum in cœlis. Amen.

Ad hæc benedici tibi abs Sacerdote, non secus ac si Christus esset ipse hinc jam jam ad cœlos migraturus, optabis. Denique cum in sacro Joannis Evangelio, quod ultimo legitur,

eximiæ Dei Filii, æterni Verbi, Patri-
que consubstantialis excellentiæ com-
memorentur, & facta nobis per ejus
Incarnationem, perque fidei ac gratiæ
donum beneficia recenseantur, par est,
ut singula alte in animum demittantur.
Ad ea porro verba: *Verbum Caro:*
Deum ter optimum maximum flexo
poplite adorabis, templum subinde
corpore, non animo egressurus. Quod
si per negotia alterum, vel etiam plura
divinæ Majestati offerre liceat sacrifi-
cia, novo spiritu, ardentiore affectu
& priorem compensare socordiam, &
uberiores ex fœcundissima hac vita
arbore fructus colligere allaborabis.

